

Барча хьуннав Кьурбан-байрам!

Ассаламу алайкум уссурвал-ссурвал! Вана уттигу жучанна, Аллагнал ﷻ Цалва цимилул хьуншиву ккаккан дуллалисса, инсантурал дакӀру цал ццах учин дарчагу, яла ххари дурсса мубараксса Ид аль-адха (Кьурбан-Байрам) ялун най. Ццах чин циванни учирча, Ибрагьим ﷺ идавсихь цана ххирасса арс ивча учаву цуксса захӀматсса за бур. Амма Аллагнал ﷻ амру щаллу кьабувну битарча, му хьиннува хьунмасса бунагьгу, балагу бусса чалай, цуксса кьурчинугу арснахь Исмяиллугьгу ﷺ бувсуну, Исмяилгу ﷺ рязи хьун ур, Аллагнал ﷻ Халил Ибрагьим ﷺ увцуну аргсу лавгун ур зунттуин Аллагнал амру биттур бан. Цала идавс мютӀину ккаккун, Ибрагьимгу ﷺ, Исмяилгу ﷺ ганал нинугу, цинявпа мусульмангу ххари буван Аллагнал ﷻ чиллун амру бувну, Исмяил ﷺ иххан кьаивтун, Цала цимилул хьуншиву ккаккан бувну бур.



Цуксса нигь дикан аьркини жуннагу уссурвал, ссурвал Аллагнал ﷻ амру биттур кьабуллан, ва цуксса ххарившиву дикан аьркини Заннал цими чӀалачисса чӀумал. Аллагнал ﷻ яла ххирами Цала идавстали тий бур. Цала бувсса амру ччимур биттур баншиву кӀулу бунува, вайми инсантуран ккаккан бувангу, мукунсса иширттайну гайннал даражагу хьиннува лахь буваншиврул, Аллагу Тааьланал укун захӀматсса амруду идавстурал ялув бихьлай ур. Жунмарив

мукунсса захӀматсса хӀал ххал баву (испытания) дулуну дакӀар, жула каних жулва оьрчӀру литӀун бара тӀисса. Ва дунияллий инсаннан кьурчӀишивугу, захӀматшивугу дакӀа кьадикӀай, миннул мяьнардугу Аллагнал ﷻ кӀулссар, миннухлугу хьунисса чирирду бусса жухьва буслай бур Кьурбанналийгу, МухӀаммад ﷺ идавсил хӀадисиртавугу. Амма пикри бувара, Ибрагьим ﷺ идавсилгу, Ганал арс Исмяил ﷺ идавсилгу цуксса захӀматшивурту духьунсся. Жунмарив ккаккан бувну

бур гьантлун ххюва чак бавугу, (ми бувангу дачи ссят лаглай дакӀар), зума дугьаву, зякат буккаву ва хьанай бухьурча хӀаж бавугу. Хьинну хьунисса загьматшиву шикку чӀалай дакӀар. Мигу кьадуллай, яла жува Аллагнал ﷻ вихссару, жул бунагьгу бакьассар тий яхьанавиву хьунисса нигьчӀавугу, жунма хьанавиву мургу кьабувчӀлачӀишиву чӀалай бур.

Ва Кьурбан-байрамрал гьантрай тгун ччива лакрал миллатрал агьалугу, Дагьустанал халкьгу, щала дунияллийсса мусульмангу барча буван ва ххарисса, ххирасса, хьунмасса цимилул байрамрашал. Аллагнал кьамул баннав бувсса Кьурбаннугу, дуллалисса эбадатругу, хьинсса аьмаллугу. Шиккува учин ччива лакрал миллатрахь: чӀаруну дуьрду дуллалияра вай дуьртту кьамул дувайсса гьантрай, Аьрафалул кьини, Кьурбан биххайсса чӀумал, садакьа бувайни. Аллагнал ﷻ вай жула шяраваллавун, районнайн, щалагу Дагьустаннайн Имангу Исламгу бара чапту цакь хьуннав тий, Цала цимилугу арх кьабаннав, бувсса Кьурбанну кьамул Аллагнал баннав тий буру! Амин! Амин!

ККАЗИТРАЛ РЕДАКЦИЯ

ДИННАЛУЛ ЖАВГЪАР

Хьинмунийн оьвтӀисса луттирая

Аллагу Тааьланал ﷻ малаиктал гьан бувну бур, насияра га пулансса кӀанай яхьанайсса агьлу литӀун бувара куну, гайннал дуллаисса оьккишивурдал чӀярушиврул. Малаиктал зана хьуну Аллагнал ﷻ куну бур: «Га шяраву, бур Вийн ибадат дуллалисса инсанталгу, мунияту жун кьакӀулли гайннан ци бувансарив», – тий. Аллагналгу ﷻ гай малаиктал махьунмай гьан бувну, цалчин гай ибадат дуллалиминная байбишияра, куну бур. Агарда гай бивкӀссания халкьуннахь ваьза-насихӀат буллай, бавккунсса ххуллик кьагьан, оьккишивурду кьадуллан, га шяраваллул агьлу гукунсса бунагьирттавун кьабагьантӀиссия, куну.


ЛАЖ. 4

НАСИХӀАТ

Адаб дуруччаврил хьиншивурду

АллагналчӀансса ﷻ адаб дуруччаврия ялагу хьанай бур, Аллагу ﷻ ушиву кӀул буллалаву, мугу хьанайссар инсаннал пикри буллалаву, лагма ялттусса тӀул-тӀлабиавтрая, хьанавивисса иширттая, ссавруннайсса цуртти-зуруя, бургьия ва мукунма цаймигу жулва лагмасса аьламатирдая.

Ялагу аьркинссар лахьлан Кьурбанналува, хӀадисирттава жуцӀанма бивсса Аллагнал ﷻ сифатирттая. Дагьассар Аллагу ﷻ кӀул увайсса эмулияр агьамсса цамур эму. Цанчирча, циду лахьхьлайисса куну пикри барча, му хьанай бур Аллагу ﷻ цукунсса уссарив кӀул буллалисса эму, мунияр лахьсса цамур ци эму дикан бюхьайссар. Аллагу ﷻ цукунсса уссарив кӀул буллан инсаннаца шайссар, так лагма-ялттусса ишир хӀисав булларча. Абу Нуаймал ва ат-Табаринал бувсусса хӀадисраву тий бур: «Зу пикри бувара Аллагнал ﷻ ляхьан дурсса гьарца задрая, аммарив цаява Аллагнал ﷻ пикри мабулларду, зуца кьахьунтӀиссар Аллагнал ﷻ лахьшиву бучӀин», куну. » 6



Шагьидтал хьама кьабитанну!



ЛАЖ. 2

Кьурбан байрам



ЛАЖ. 3

Неьматсса хӀачӀия



ЛАЖ. 5

Душварал мадраса

Гъашину шанна шин хъанай дур Махачкьалаливсса Сайфуллагь-къади-нал цанийсса мизитрал мадрасалуву дуклаки душваран гьингтул каникул-лал чумал дин-ислам лахъхьин дулла-лисса курсру зузи буну.



Чак баврил ва Къуръан буккин лахъхъаврил дарсру дакъсса, гъашину мадрасалуву дихьлан бивкунни шайх Ахмад-хажь Абдулаевлул «Благонравие праведников» тисса лутти-райнусса адабрал, тлул-табиатрал дарсругу. Ваниву мюршисса душваран

бувчин къабигъасса, куртисса мягналу пикрирду бунугу, вайннал хъунмасса гьирарай бувккунни Муфтийнал лу. Цусса дарсирдал вайннан лахъхьин бунни нафс цирив, ва инсаннал хаси-ятиртташал мунил цукунсса дахъаву дуссарив. Вайн-нан клул хъунни хъхъичъавасса салихисса инсантурал табиатравасса масаларду ва хасият исвагьи дувайсса куц.

Дуккаврил ахирдани йшикку дурунни душварал дянивсса экзамен ва тгайлану чак баврил конкур. Цалчинмур клану бувгунни Хажимухаммадова Саидал, клилчинмур – Идрисова Гьидятлул, шамулчинмур – Мамаева Фатимал.

ХАЖИЕВА МАХЛУКЪАТ

Чемпион муфтийначла хъамалу

26-мур августрай Дагъусттаннал муфтий шайх Ахмад-Хажь-Афандинал къамул увну ия гъашину Бразилиянаву хъусса Олимпиадалий лачун уккавриву ххув хъусса Абдурашид Садулаевгу мунал тренергу. Шайхнал Абдурашидгу барча увну, бувсуна цува хъинну ххари хъшиву Дагъусттаннал лачунуккул Олимпиадалий цалчинсса клану бугъаврия.

«Кия лачунбукку хъуна бавкъукун, миннава цанная ца ххув шайссар, му ххув шавугу Аллагьнал дулайссар. Мунияту жунма цалчин аьркинссар шукру буллан», – увкуна шайхнал. Мукунма муфтийнал личину къимат бившуну чепионнал тренер Оьмаров Шамиллу даврингу, миккува кийц



лавгуна тренертурал яла хъунмасса захимат бишайшиву, амма чйавуну ми ххютулу личйайшиву. Ахмад-Хажинал мунахьгу хъунмасса барчал-лагь увкуна. Абдурашидунгу мунал тренернангу пишкеш бувуну «Благонравие праведников» тисса луттирду-гу. Хъунабакъаву къуртал хъуна чакгу дуаьрттугу дурну.

Шагьидтал хъама къабитанну!

Мукъра шин лавгун дур Аллагьнал жуятува личи увну шайх Саид-Афанди. 2012-ку шинал 28-мур августрай цачлава шава мюридтал къамул бул-лай унува, террористкал бомба пькь-чин бувну, ряха инсаннашал Саид-

Афандигу накълу хъуссар. Хъуна-са алимчу Накъшубанди, Шазали, Къадири тариқьатирдал узтаз Саид-Афандина къабавсса инсантал чан-са бухъунссар. Муная чивчусса лут-тирдал, кказитирдал цимигу вагон буцинссар, лавсса передачардалгу, мунаясса кинордалгу цимигу компютер-дал блокру бувцуну бухъунссар. Мунин бувну, муная шик-ку цичъав чичинсса, бусансса бакравун бигъану къабучанс-сар. Ми передачар-ду дулла, кинорду ласлай, муная бус-лай, чйарав мукъра шин дурсса Абдул-лагь Аьлишаевлул цичъав къабувсус-са бакъахъунссар. Устаз ва мюрид, учительгу ученик-гу, бучиссар гьал-магъталгу чин ва дуняллийгу, ахи-ратрайгу. Ми жула дакурдиву мудан-гу бикантиссар. Цанчирча, мин-налгу, мукунмасса 100-нния ливчусса

шагьидтуралгу цала оьрмурду харж бувну ва Дагъусттан дяввили, фи-налия ххассал бувссар. Сириянал Хкуматрай куннасса фитнеса къа-даншиврул хъхъу-къини дакъа ми бия экстремизм, терроризмрашал биллай цалчинсса къюкьраву. Мукун бунутгий ми цава-цану ва дуняллий-ягу лавгунни. Яхй бусса лаккучу жула динналул уссу Аб-дулагь Аьлишаев-гу 2008-ку шинал 3-мур сентябрьдан-ний Аллагьнал цачлана шагьидну увцуна. Укунсса ин-сантал ттуршра ши-най цал буккайссар тун бикай, вайннал оьрмурду ссаврун-най чанна лавхъ-сса цуртти кунма пар-пар тисса бия, бивкунгу мукунма пар тисса цуртти вацана лещайс-са кунма чаннану левщун лавгуна. Вайннал царду дун-ниялий халкъ яхъ-анайссаксса хъама кьаритантиссар,

ахиратрайгу жунма вайннал шафа-аьт Алагьнал булуннав тий буссару. Буккинну вайннал рухирдаяту ца Алхамгу, шанма Кьулгьугу, Салава-тул Фатихагу. Аллагьнал къамулсса хъуннав. Амин!



Учредитель

Благотворительный фонд «Путь». Газета печатается по согласованию и одобрению Муфтията Республики Дагестан

Редакционный совет

Председатель редакционного совета муфтий РД
Ахмад хаджи АБДУЛАЕВ
заместитель муфтия РД
Махди хаджи МУТАИЛОВ

Главный редактор

Азиз МИЧИГИШЕВ

Редактор

Шамиль ОМАРИЕВ

Канонический редактор

Мухаммад-хаджи САЛАМОВ

Менеджер

Абдусабир АХМЕДОВ

Дизайн, вёрстка

Мухаммад МУХИДДИНОВ
Иса ОМАРОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № _____

Тираж 2 350 экз.

Сдано в печать 31 августа 2016 г. в 17:00

Индекс 51388

Адрес редакции

367027, РД, г. Махачкала, проспект Акушинского, 5-я линия, 19. Телефон редакции: 8-928-530-59-70.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru, assalamweb@gmail.com
www.assalam.ru

Къурбан-байрам

Зуль-Хиџжа зурул ххирашиву

Зуль-Хиџжа барз хъанахъиссар мусулманнал яла ххирами зурдардиваса барзну. Хъиннува ххирастар му зурул хъхъичъсса аџџа гъантта. Му зурул 10-мур къини дикъайссар мусулманнал яла хъуннамур байран – Къурбан-байран (Эд аль-Адхџа). Зуль-Хиџжа зуруй мусулманнал байссар динналул ца аслуну хъанахъисса Хџаж. Му зурул 9-мур къини Абрафатрал къини хъанахъиссар. Му къини 1000-ва сура «ал-Ихляс» (Къулгъу) бувккуну хъинсар. Идавсил е хџадисраву бувсун бур, му къини азарва Къулгъу бувккуманал циняв бунагъру шюшайшиву.

Цамур хџадисраву Мухџаммад Идавс е тий ур: «Аллагънан I яла ххирами къинирду Зул-Хиџжа зурул хъхъичъсса аџџа гъанттар». Му зурул хъхъичъсса 9-ра къини, хаснува Абрафалул къини ва хъхъичъкъини зума дугъаву суннатссар. Хџаж булалисса хџажитал личаннин, миннал къадугъайссар. Хџадисрайн бувну, вай гъантрай зума дургъусса инсаннан ттурша лагъ тархъан увсаксса, ттуршва хџайван садакъалул буллусаксса, гъазаватрайн ттуршва чу буллусаксса чири буссар, Абрафалул къини дургъуманан – гайми къинирдаяр къилийну хъунмассар. Вай гъантри эбадат дулай, мискинтуран садакъа буллай гъан дурну хъинссар. Цахлува Къурбан биххан ччисса инсаннан гай аџџагу гъантлий михъру ва бакрайсса чџарарду къукъаву гъахъинссар, цалва къурбан бихханнин.

Имам Ибну Хџажардул «Аль-Фатхџ» ттисса луттираву чивчуну бур: «Зул-Хиџжа зурул хъхъичъсса аџџа гъантлул даража муксса хъунмасса бушиврул савав чири чирча, вай гъантрай цамур чџумал цаџџун къашайсса эбадатру цаџџун хъуну дуссар – чак, зума, къурбан биххаву, Хџаж».

Зуль-Хиџжа барз хъуна бакъин аьркинссар дакъинхуну циняв бунагъирттая тавбагу дурну, му гъарца мусулманчунал буржри. Тавбалуву буссар мусулманчунал дуняллийсса ва ахиратравусса талихџ.

Къурбаннул къинилул ххирашиву

Къурбаннул къини – Эд-аль-Адхџа – хъанахъиссар мусулманнал яла хъунмур байрамну. Байранналул хъхъичъсса къини Абрафатрал къинири. Мунил хъиривсса шанма гъантлуин (11-мур, 12-мур, 13-мур къини) учайссар «ташрикьрал гъантри» куну.

Абрафатрал къини къюрххил чаклияту байбивхъуну гъарца чаклил хъирив фаризасса бикџу, ссуннатсса бикџу, жаназалул чаклил, хъирив лавхъун булалисса чаклил хъирив бикџу такбир бишаву суннатссар 3-мур ташрикьрал къини ахттакъун чак баннин. Такбиргу вари: «Аллагъу акбар. Аллагъу акбар. Аллагъу акбар. Ла илагъа илла ллагъу ва ллагъу акбар. Аллагъу акбар ва лиллагъил хџамд. Аллагъу акбар. Аллагъу акбар. Аллагъу акбар. Ла илагъа илла ллагъу ва ллагъу акбар. Аллагъу акбар ва лиллагъил хџамд. Аллагъу акбар. Аллагъу акбар. Аллагъу акбар. Аллагъу акбар ва лиллагъил хџамд. Аллагъу акбар. Аллагъу акбар. Аллагъу акбар кабиран, валь-хџамдуллилагъи касиран, ва субхџаналлагъи букратан ва асила. Ла илагъа илла ллагъу ва ллагъу акбар. Аллагъу акбар ва лиллагъил хџамд». Мукун биширча, мунил бувцири бунагъру яла гъан байссар. Абрафалул къини баргъ лавгун махъ къичирттаву, мизитирттаву лахъсса

чџуний бюхттулну бишаву суннатссар, эдрал чак булланнин. Хџажлив уманал такбир къабивхъуну «лаббайк» учайссар. Мукун лахъсса чџуний такбир бишаву хъанахъиссар га шяраву ягу шагърулий мусулман ялапар хъанай бушиврул лишан. Мува такбир бишайсар Къурбанналул къини ва ташрикьрал гъантрай гъарца фаризасса чаклил хъиривгу.

Къурбан-байрамрал хъхъу эбадат дуллай утгара даву хъинссар, суннатссар. Щалла хъхъу утгара дан къашайманал шайсаксса данссар. Муту къашайманал хъатџан чак ва къюрххил чак мизитраву жамаатрай бан хџарачат бувача.

Хъхъу даџи хъуну махъ байранналул чаклийн ачиннин чурх шюшаву хъинссар «На ният дурунни суннатсса гъуслу бан Къурбан-байрамран хас бувну, Аллагъу акбар» – куну нийяту дурну. Къурбаннул къини чани дуркун махъ, байранналул чак баннин дукра къадукаву суннатссар.

Къурбаннул къини – хъинну ххирацца къинир. Му къини садакъа баврил, хъинбала баврил, хаснува Къурбан бивххун оь итабакъаврил чирирду ва даражартту чџавуссар. Му къини 300-ва «Субхџаналлагъи ва бихџамдигъи» увкуну, мунил чири ливтџусса мусулманнан булурча, гъарца гъаттаву азарда нур духхайссар, цува ивкџукун цалла гъаттаву азарда нур дикъантџиссар.

Байрандалул чак

Къурбан байрамрал къини байсар Эдрал чак. Жула Идавсгу е ялув авџџуну буллай ивкџиссар. Му чак жамьтрай баврил хџикмат: ххирацца байрандалул къини халкъ куннаџан кув бавтџун, му чакгу бувну, дакъругу цаџџун дурну, ххавхмийгу дакъил хъуну, хџалалшивурттугу ларсун ялтту бучџарча, миннайн Аллагънал I џџими ликкайссар. Хџатта, муьминчунан лайкъ бакъассар му чаклия ххавхманашал дакъил къавхъуну гъан.

Байрандалул чак баврил чџунгу – къюрххил баргъ бивну махъ ахттайн бизаннини. Ххирамур чџун – баргъ чансса гъаз хъувкунни. Мизитраву баву хъинссар. Жамьт мизитраву къума хъанай бухъурча, авлахърай баву хъинссар. Цалвалу буллай ухъурча, хутџа къабувна байссар. Цуппагу кџира ракаатрай байссар. Байсса куцгу: «На ният дурунни Къурбан-байрандалул Эдрал чаклил суннатсса кџира ракаат дан хъунасса Заннайн Аллагъу акбар» – куну ният дайссар. Имамнал хъирив буллай ухъурча, имамнал хъирив чинссар. Яла «Важжагъту» дуккинсар. Ялагу «Аллагъу акбар» куну, кару гъазгу дурну, махъуннай хъазамрай дирхъуну «Субхџаналлагъи вальхџамду лиллагъи ва ля илагъа иллагъу ва ллагъу акбар» учинссар. Хъхъичъмур ракаатрай му куцъуй арулва такбир банссар, цал бувну цал баннин мий махъругу учинтџиссар. Яла «альхџам» буккинтџиссар. Кџилчинмунийгу ххуйлава такбир банссар, гайва махъругу учинссар. Яла «альхџам» буккинссар. Хъхъичъмур ракаатрай «Къаф» ягу «Саббихџисма» буккинссар. Кџилчинмуний «Икьтараба» ягу «Гъал атака» буккинссар. Яла салам буллукун, ивзун хутџа банссар нюжмярдул хутџа кунмасса. Хъхъичъмур булланнин урџџилва «Аллагъу акбар» чинсар, хъиривмур булланнин аруйлава учинсар. Му байни азан-къаматту

къаучайссар. Шамийлава «Ассалата жа-миаьгъ» учинссар.

Эдрал чаклийн нанисса адиминал чурх шюшаву суннатссар. Му гъуслу баврил чџунгу хъхъу даџи хъувкун духхайссар. Ххуйсса марџџсса янна лаххаву, чџюлу шаву, нахџусса къанкъ даву суннатссар. Михъру къукъаву, чурх марџџ баву суннатссар. Кџюрххилва бучџаву суннатссар. Бахътта, хџаллих бачаву хъинссар. Имамрив, чак бан чџун хъувкун учанссар, учџайхту бугу булланссар. Хџатта, имамнал мизитравун увххукун, суннат-чакгума къабанссар. Хъуни хъами бучџаву суннатссар, амма чџюлу къавхъуна бучџанссар. Чак бувну махъ увкџисса ххуллийх зана къавхъуну, цамунийх кџура авну лагаву суннатссар, чири хъунмассар.

Эдрал чак шаппа буллалиманангу цалва кулпатрашал, чџаххурашал, гъан-маччаминнашал жамаатрай бувну хъинссар.

Кџай дуаьртту къакулманал цувалу буллай ухъурча, кџира ракаатрайсса суннат чак банссар цанма кџулсса куцъуй, Эдрал чак бансса нийяту дурну.

Къурбан биххаву

Къурбан-байрамрал къини ягу хъиривсса шанма ташрикьрал гъантрай къурбан биххаву сунналул-муаккадри, Идавсил муних е ляличъисса къулагъас дайсса диркџиссар. Къурбан биххайссар балугъравун увхсса мусулманчунаха. Бихлахисса хџайвандалул оьттул кџунтџи бухкайтту му бивхманал циняв хъхъичъва бувсса бунагъру шюшайссар.

Машгъурсса аьлимтурал гъарца шинал Къурбан биххан хџарачат байсса бивкџиссар, жунмагу аьркинссар муних хъуннасса къулагъас дан. Идавсил е увкуссар: «Тул умматрава яла лайкъминналли Къурбан биххайсса» – куну. Къурбанналул биххан бучџиссар варани, оьл (ниџ) ягу ятту (палулсса ва гъалулсса). Къурбаннун биххайсса хџайван варани бухъурча, ххюра шин хъуну, ряххулку шинавул бувхсса бикџан аьркинссар; гъаттарал хџайван кџира шин хъуну, шамулку шинавул бувхсса бикџан аьркинссар. Ми цивпагу арулунная ца биххан шайссар, щалва цанная, цама хџала акъа, биххангу бучџиссар. Яттил хџайван ппалулсса бухъурча, ца шин хъусса, кџийлук шинавул бувхсса бикџан аьркинссар; гъалулсса кџира шин хъусса, шамулку шинавул бувхсса бикџан аьркинссар. Ца яттил хџайван цаннахлу бакъа биххан къабучџиссар. Вай бакъасса цамур хџайван биххаврийну Къурбан шалву къашайссар.

Кулпатраву ца инсаннаха Къурбан биххарчагу, суннат биттур баврил чири щалва кулпатрайн бияйссар.

Му Къурбангу адиминал цаџџува цалва биххаву хъинссар цама вакил увнунир. Мукун бюхълай бакъахъурча, цама вакил увну мунахъхъун пурман булунссар. Хъанниллив цама вакил аву хъинссар. Цамунал биххарчагу, цаџџува биххайма чџарав аџџаву ссуннатссар.

Бивхсса Къурбандалиятту ца базу бунугу, шакъархъунна мискинтуран дулул ялувссар, гайннал цанма ччимур бан, ччарча дукан, ччарча даххан. Так аваданманан дулурча, Къурбан хџисав къашайссар. Яламур шархъун цаллагу дуркуну, цанна ччинангу дулунсар. Яла хъинмур – винма барачатран шаппа ца касак къабивтун, лирџимур

мискинтурайх даџџаву. Ягу бучџиссар дикџи шанма бутџуйх дарџуну, ца бутџа мискинтуран, ца – чџахуран ва гъанмаччаминнан булун, цагу винма къабитан. Къурбаннул дикџи махъун диртун, къакъан дурнунир, дуркуну хъинссар. Мунил бурчу бикџу, дикџи дикџу даххангу къабучџиссар, садакъалун дулунссар, ягу укру цаманан дулунссар, ягу цалла дуркуну, ишла дурну мюнпат ласунссар.

Къурбан биххаврил шартџу

1. Къурбанналул биххайсса хџайван ялув чивчусса оьрмулувусса бикџан аьркинссар.

2. Къурбаннун биххайсса хџайван аьй дакъасса, сагъсса бикџан аьркинсар. Илтџасса, мурџисса, аьрчасса, сакъатсса, вичџи къуркъусса, къашхъарса, къашавайсса биххан къабучџиссар. Кџира-шанна ккарчџи дакъасса бухъурча, биххан бучџиссар. Миннува яла биххан ххирамургу варанир, яла гъаттарар, яла ппалулссар, яла гъалулссар. Амма ца варанинир, ца гъаттаранир арулва яттил хџайван хъинссар.

3. Къурбан биххаврил чџун Къурбаннул къини байранналул чак бувну махъ дайдишайссар. Му чак баннин хъхъичъ биххан къабучџиссар. Шамулчинмур ташрикьрал къини баргъ гъаннин биххан ихтияр дуссар. Ми гъантрай дяхътта бикџу, хъхъувай бикџу биххан бучџиссар.

4. Къурбан биххансса нийят дикџан аьркинссар.

Къурбан биххаврил адабру

Хџайван биххайсса чџила ххуйну даил дурну дикџан аьркинссар. Биххан хџадур бувсса хџайвандалун чџила ккаккан дурну, ягу ца хџайван гайминнун чџалай бивххун къахъинссар.

Къурбан биххайни учайссар. «Бисмиллагъи-р-рахџимани-р-рахџим. Аллагъумма салли аьла Мухџаммадин ва аьла али Мухџаммад». Яла такбир буккайссар: «Аллагъу акбар. Аллагъу акбар. Аллагъу акбар. Ла илагъа илла ллагъу ва ллагъу акбар. Аллагъу акбар ва лиллагъил хџамд. Аллагъу акбар. Аллагъу акбар. Аллагъу акбар. Ла илагъа илла ллагъу ва ллагъу акбар. Аллагъу акбар ва лиллагъил хџамд. Аллагъу акбар. Аллагъу акбар. Аллагъу акбар кабиран, валь-хџамдуллилагъи касиран, ва субхџаналлагъи букратан ва асила. Ла илагъа илла ллагъу ва ллагъу акбар. Аллагъу акбар ва лиллагъил хџамд».

Яла хџайванналул чаннугу дархџуну, га саргъунну куямур чулий утту бишин байссар, Кџиблалул чулинмагу бурган бувну. Яла укунсса дуаь дуккайссар: «Аллагъумма гъаза минка ва илайка фатакъаббалъ минний. Бисмиллагъи, Аллагъу акбар. Аллагъумма салли аьла Мухџаммадин ва аьла али Мухџаммадин ва саллим». – куну биххайссар хџайван.

Къурбаннул къини садакъа буллай, гъан-маччаминнаџан, чџаххураџан хъамалу занай, ливтџуминнал гъаттардийн зиярат буллай, хъамал къамул буллай, куннал-ку барча буллай гъан дан аьркинссар. Укуннагу хџарамсса хџан хџаџаву му къини жулла дин къякълухун дишаву хъанахъиссар.

МАКЪАЛА ХџАДУР ДУРССАР
«НАСИХџАТУЛЬ-АЬВАМ»
(«ГЪУНЧџУКЪАТџАН») ТџИССА
ЛУТТИРАЙН ЧУЛ БИВЩУНУ

Хъинмунийн оьвтисса луттирая

1 « Ва хаварданувусса мягна дурчтин дуллау бур Абу Гурайра тисса, хъунасса асхабнал бувсусса хадисралгу: «Гарца инсан аьркинсар лагмасса халкъ хъинмунин бачин буллан, мукунма оьккимуния мурахас буллан. Мукунма къабулларча, Алагьнал   зул ялув битантиссар хъунимийну къаххуйсса инсантал, яла зу дуьртту дуллантаиссару Аллагнахъ   гай бубъан бува тий, амма Аллагнал   зул дуьртту къамул къадувантиссар», – куну.

Жунма цинявннан чалай бур цанасса чунну бигъасса дакъашиву, инсантал куннан ку къабучлачисса, чивима-хъунама цукун яхъанайсарив къакулсса, аваданмийгу ссайчав рязи бакъасса, мискинмигу ссавурданува буклаккисса, аьратталсса чунну дуркун дур. Укун захматшиву чалай дунугу Аллагнал   инсантал тачав къакъабитайсар кумаг бакъа, мукунсса кумагругу гъан бувайссар Аллагнал   Цала валийтурайхчин, аьлимтурайхчин, щайхтурайхчин.

Лакрал миллатравугу буссия хъунисса даражалул щайхталгу, аьлимталгу, мийгу жунма цинявннан киллсар, ххирассар. Ми яхъанай бивкисса чумалгу, ца лакрал миллатрал бакъассагу, щалагу Дагъусттаннангу, цайми миллатирдангу, ми бивкиссар хъунисса хурматирттай. Сурхай-Хан, Муртазали-Хан, мукунма цайми-цаймигу щала дунялийх ца дурккисса хъуними бивкиссар. Щайх Жамалуддин, Сайфула-Къади: жунма

кӀулли миннал чулухунмай цуксса хурмат бивкиссарив тай заманнайгу, ва мукунма цанагу, минная щала Дагъусттаннангу, Къавказнангу, Татарнан, Башкирнангу ми кӀулшиву, ва миннал чулинмай хъунмасса хурмат бушивугу, мугу чӀалачисса за бур.

Цанагу жува Аллагнал   чичикун яхъанахъи куну къабивгун бакъару. ЖучӀава ия хъунасса щайх Саид-Афанди Чиркейлиясса, мунал барачатрайну цукссагу инсантал тӀайла бавцӀуна. Мукунма бия Аллагнал   валийтал апалухъхъун лавгсса Къулецматусса Аьли-Хажжи Афанди, Къакъамащилиясса Аьбдул-Вахид-Афанди. Цанагу жуцала бур щайхтал Ахмад-Хажжи-Афанди, Аьбдулжалил-Афанди, Мансурил-МухӀаммад-Афанди ва Закаатлалаясса Малла-МухӀаммад-Афанди. Исламраву миллатру личи къабайссар, мугу цинявннан кӀулсса за бур. Аллагнал   вихсса халкъ ми циняв уссурвал, ссурвал хъанайссар, ку лахъсса, кугу лагъссар тисса загу цукунчав бакъасар. Аммарив инсантуран бувчин аьркини, гьарцанная цаятува байбихълахъисса ххуймур ва оьккимур личи баву, за кӀулсса инсантурах вичи дишаву, къаӀулмур цӀувххуну кӀул баву ва мукунма къамул баву. Цинняв Заннал   гъан бувсса Идавсталгу ххуймунин, хъинмунийн оьвтий бивкиссар, идавстал бакъасса чумал Аллагнал   валийталгу мукунма инсантал тӀайла ххулийх бачин буллау цалла жанну харж дуллау бивкиссар, мугу Хъунасса

Заннал   миннай бивхъусса бурж хъанай бур. Цанагу захматсса чунну дур турчагу, инсантал оьккину яхъанай бакъар. Шяраваллау шагъурдай куннасса бигъашивурду дуллау бур, машинартту бакъассагу чансса бур. Аммарив тӀайламунийн оьвтисса, Исламрал ххулийх бачин аьркиншиву бувчин буллаясса чӀавусса бакъар, мукун тӀимийнахгу вичи дихълай чалай бакъар, зун цари кӀулсса мюрши оьрчан тӀий бухъунсар. Мукунсса иш чалай, инсанталгу дуняйлул хъаврин къабаншиврул, Аллагнал   хъхъичӀгу зу цукунсса даъват дуллау буссияв куну цӀувххукун жаваб дулун хъуншиврул Дагъусттанал муфтий щайх Ахмад-Хажжи-Афандинал чивчун бур «Благонравие праведников» тисса лу. Ва луттирая жу ттинингу бувсуссия, мукунма гьарца шяраваллау бувкун ми луттирду инсантурачӀан биянгу бувссия, муниясса конкурсгу баян бувну буссия лакрал шаннагу районналий. Мукунмасса конкурсру лавгуни щалагу Дагъусттаннайсса районнайгу. Ва луттирал цанил цалва буслай бур шиву бумуния, аммарив лу бувккуминнангу, конкурсрай гьурттушинна дурминнангу хъиннува кӀул хъуссар цуксса жунма аьркинсса зару буссарив луттираву, ссайн оьвтий уссарив ва луттирайхчин щайх, устаз, дунялийсса мусульмантуран кӀул хъусса хъунасса аьлимчу, муфтий Ахмад-Хажжи-Афанди. Ва луттираву, щайх оьвтий ур халкъуннай, Аллагнал   ккаккан бувсса ххулийх бачияра тӀий, жула хӀал-хӀвал

цукун бурув бургияра тӀий, хъунийсса Аллагнал   валийтурал цукун оьрмурду бутлай бивкиссарив буслай, миннаха жувагу чанссавагу лахълан аьркиншиву бувчин буллау. НукӀува кусса куццуй, агарда аьлимтал, имамтал, мусульмансса инсантал халкъуннай тӀайлашиврий оьвтий, миннахъ насихлат къабусларча, тӀайла Исламрал ххулийн бачияра тӀий бувчин къабулларча, жамятру зия шайсса чалай бур, Аллагу Тааьланангу   сси бизан бюхъайсса иш бур (буруччинав жува мукунсса балардаша Цалва Аллагнал  ). Аммарив мукун оьвгу тӀий, бувчингу буллау, ваъза-насихлатту дуллау бунува къамул къадарча, яла микку инсантурайсса хъуннасса аьй цайра хъанай дур. Мунияту, ххирасса уссурвал-ссурвал, ттигу баян буллау буру ва конкурсрал кӀилчинмур этап дайдирухъшиву, оьвтий буру цалчинмур этапру гьуртту хъуминнайну, мукунма гиккун бучӀан къавхъуминнайну, буккира му луттираву тӀимургу, бачияра гьурттушинна дуван кӀилчинмур этапрай. Мугу дикантиссар 12-мур ноябрьданий МахӀачкъалаливсса Сайфулла-Къадиал цанийсса мизитраву. Цалчинмур кӀану бувгъуманан бахшишну бикантиссар автомашина Лада-Приора, мукунма цаймигу хъунисса бахшишругу. Утти чансса бусанну цалчинмур этап ва конкурсрал цукун лавгсарив жула районнай.

ШАМИЛ-ХАЖИ ОБМАРИЕВ

«АС-САЛАМ» ККАЗИТРАЛ РЕДАКТОР

Ккуллал район

Ккуллал районналий ва луттиращал кӀул бан, ва халкъуннан ккаккан бан цал бивкӀун бия Къизилюртуллал районналийсса динналул уссурвал. Ми щалагу районналийсса цархъавух бувккун, гьарца къатлувун бухлай 700-ва лу бавххуну бия. Шиккува учин мунил багъа 100-ра къуруш бия. Луттирду лавсунан кӀулсар, мукунсса лу кӀили-шамли ххирану бикӀайшиву. Му арцу лякъин бахлай бакъашиву миккува чӀалачисса за бур. Минная махъгу ДРОО «Лакское молодежное общество» тисса жагьилтурал курунналувусса, миллатрай дакӀ аьтисса лакку оьрчӀру бивкӀун, мукунма ялагу шяраваллау бувккуну кӀиттуршвахъул лу ялагу бавххуну бия. Гьарца шяраву мукунна му конкурсрай буслайсса баннердугу дирхъуну дия.

Ва укунсса отчетгу диван дуллалиссару: махӀатталсса за бур, щалла Ккуллал районналия увагу кӀия инсаннал гьурттушинна дунни ва конкурсраву, шагърулияту бувкксса ххюва инсан ялагу ия. МахӀатталшивугу ссайри учирча: уссурвал, ссурвал, Ккуллал районналул жамят: мунийри махӀатталшиву – чӀавусса дурккисса инсантал бусса, хъхъичӀунсса профессортал, личи-личисса элмурдал доктортал, кандидаттал бусса, дуккаву ххирасса жула халкъуннан цари хъанахъисса тӀий. Агарда щил бунугу пикри бивкӀхурча Ккуллал районналул халкъ дуккаврил, элмулия, жулва гъанулия, буттал-буттахъал динналия арх буван, жула тарих хъама битан бувансса, миннал мурад щаллу шавайсса иш чалай бур. Щала дунялийсса халкъ бикӀай цала тарих

цуксса хъхъичӀуннайсса дурив муксса пахрулийну, жува турча 1917-ку шина тинмай лавхъусса миллату, районгу бухъунсару. Ягу жула районналул жамят хъиннува хъхъичӀунмай лавгун, итхъавххун бухъунсар интернетрал, цифровой телеведениялул, вай-файрдал (яла вай-вай тӀий къалякӀиннав) гьарза лахъхъин був-



ну. Мукун бунугума, дуккавил чулинмай гьира бусса чумал, ци тӀий бурув ва луттирай ххал баннача кунугума, инсантал бивкӀиссар личиличисса луттирду ккалау, ххал буллау, гиву бумур хӀисав ласлай. Мугу дакъанавхъул учин бучӀир Американал ЦРУ-лул хъунаману зий ивкӀисса

Аллен Далласлул дурсса план жула районналул перевыполнить дурсса иш чалай бур. Вих хъанай бакъахурча цинявннан оьрус маз кӀуллича, зува буккира та тӀий ивкӀмур, ва ххал бара жува мукунсса кӀанайн багъну бакъарув?! Ттигу миккун къабивну бур тисса бухурча, чансса ссавур дувара, чара бакъа мукунсса кӀанайнгу

багъантиссару, мунил аьйгу жуйра цинявнай дикантиссар, цукунсса агьлу, жулва хъирив къабитан най бурув махъ нанисса никрдан. Чачан, ингуш, ярусса, дарги кьумукь, татар, башкир, вайми миллатругу жуярва циняв аькьлу бакъасса бухъунсар, цала миллатру динналул гъанулийну гъаз буллалисса. Ца ттула динналул уссу буслай ия, ца-кӀира шинал хъхъичӀ Гъази-Гъумук бавтӀун бивкӀун бур ла-

крал хъунимий, хӀакимтал, иш-бажаранчитал, миллатрал иш гъаз банну, хъхъичӀунмай бачин банну тӀий, гьалгьарду тӀий. Туну микку дингу хъхъичӀуннай дачин дувансса хавардугу бухъунссияхха кусса чумал, му ттухгу урувгун, яр ци дин тӀий ура ина, мукунсса пикривагу чув

буссия, куну увкуна. Утти пикри бувара уссурвал: Гъази-Гъумучи щалагу Къавказнаву дин дихълай бунутӀий, Гъазийтал тисса ца дирзсса виртаврал билаятрай, цукунсса ишру хъанай бурув. На миккун бавтӀун бивкӀисса жула хъуними Американал агентталли тӀий акъара, аммарив ттун ччива минналгу ххуйну пикри бувну, махъ-хъхъичӀунмайгу бурувгун, миллат цачӀун бувайсса мазгу, дингу, буттал аьрщигу дакъа цамур зат духурча, жухъвагу бувсун, аьрхӀал цачӀун хъуну, жула оьрмугу, дуняйгу, ахиратту тӀайла дуллау бачин.

Конкурсрай гьурттушинна дувминнахъ хъунмасса барчаллагърай буру. Хъинбалагу, хайргу микку цалчин цанма бунугу, мукунсса инсантал жула миллатраву буссаксса Аллагнал   жува къакъабитанхъулу укун хъхъарану, захматну, куннан кув къабувчӀлай, хъхъичӀунмай ссайн чул бившун бачинсарув къаӀулсса хӀалданий.

Конкурсрай турча цалчинмур кӀану бувгъуна МахӀачкъалалия бивкӀисса Ккуллал шяравасса Кубатаева Патиматлул, кӀилчинмур кӀану мукуна шагърулия увкӀса Лугуев Ажублул мугу Ккуллатусса, шамулчинмур кӀану 1-мур ЦӀувкратусса Обмариева Асиятлул мугу МахӀачкъалалив яхъанайсса, мукьулчинмур Ваччатусса МухӀаммадов Рамазан-Хажинал. Дусса призругу вай кӀантту бувгъунан дуллауна. КӀилчинмур этапрайгу вайннан чӀа тӀий буру мукунма хъхъичӀунмайсса кӀантту бугъаву.

МУХӀАММАД МУХӀАММАДОВ

Цуссалакрал район

Альхамдулиллах! Щукру гъарзад ляхан дурсса Аллагнайн ﷺ, жучлава хлакынуса кьини бунутгий багъа бищун къашайсса луттирду ва ми луттирду чичлачисса хурмат лавайсса аьлимтал. Ца мукунсса лу хъанай бур жула Муфтийнал, щайх Ахмад-хажи Абдулаевлул чивчусса «Благонравие праведников» тисса лу. Муниву бунсун бур оьрмулул мяналия, инсаннал нафсрая, хъинсса ва оьккисса хасиятирттая ва бунчин буну бур мусульманчув ххуйсса чулинай аххана шайсса куц.

Кутасса мутгалий ва луттирал чявусса агаьлинал оьрмурду хъин чулинмай ктура баян бунуни. Цамур динналуву бивкисса инсанталгума ва лу бункуну махъ мусульманнал дин къамул дуллай бур.

Аллагнал ﷺ цимилийну, Дагъусттаннал цайми районнай кунма, Цуссалакрал районналийгу хъунни му луттирайнусса конкурс. Муниынсса хладуршиннагу, цуппа конкурсгу чявуминнан сававну хъунни барачат бишаврил ва хлакьсса динналул килшивуртту ласаврил. Конкурсрайнусса хладуршинна дуллай хъуна шанма барз. Жул хъхьичьсса цалчинмур масъала бия районналул жаматрал конкурсрая баян баву, минначан луттирду биян баву ва муниынсса барачат ва мюнпат цукунсса буссарив бунчин баву. Хъхьичьва-хъхьичь жу хладур дурсия конкурсрая бусласисса ва микку ххув хъуминнан цукунсса бахшишру диклантиссарив ккаккан буллалисса баннерду. Ми баннерду жа ларчьисса Цуссалакрал районналул гъарца шяраву. Цинугу жул районналийсса халкъунначан бивсар 2400 лу. Ми машин ласавугу чявучин цанма ласлай бия му лу бункуну, муниву чивчумуни цуксса пайда буссарив бунчуну, цанма чирилун, садакьлун

бачин ласласисса динналул уссурва ва ссурвал. Цаннал 50-ва, цаннал 100-ва лутгий, уква бачлай бия цала-цала шяраваллал жаматрал агъалинайх ва гъан-мачаминнайх. Жула Идавсил ﷺ хладисраву увкуну бур: «Ца инсан тйайласса ххулийх ачин аву хъинсар ва шала дуняллул хъуслияр». Тйайласса ххулийх ачин увайсса лу хъанахъиссар яла ххуймур бахшишну. Масалларан, Цуссалакрал ца инсаннал цала гьалмахчувнайхчин жучан гъан дурну дия 30000 кьуруш цала цанияту луттирду лавсун, шяравух бачин. 300-ва лу жу бавчусия ганал цанияту арцу гъан дурмагу уттигу цурих къаклулссар. Шяраваллал имамтал ва мизитирттал зузалт бус-



сия занай гъарца къатлувун ва даража лавайса лу бияншиврул. Аллагнал ﷺ цимилийну, районналийсса гъарца шяравун биян бювхъунни.

Конкурсраву гуртту хъун ччай, цлухху-бусу буллалими бия 100-ния ливчусса. Хлатта 80-лунния ххишала сса шинну хъусса Цуссалакрал шяравасса хъамитайпа Махларамова Аслигума хладур хъанай байбивхъуна конкурсрай. Гуртту хъун ччай

бивкминнава конкурсрайн так 55-ва инсан увкуну, амма ттул пикрилий, бучан ччай бунува ци-дунугу савав хъхьичьун дагъну бучан къавхъуминнайну барачат бивсар, чиригу хъуссар. Цанчирча, конкурс баврил цалчинмур мурад – халкъуннал ва лу буккаву, вания мюнпат ласаву, жула инсантурал тлул-тлабиаьт исвагьи шавури.

Жул районналий бия жагьилсала лас ва щар, миннал хъатги буллалиний циваннив магъар къабивхъуну ливчун бия. Мукунсса тагъарданий миннал шин ххишалагу хъуну дия. Му мутгалий на цимилвагу му жагьилнан бунчин бивссия магъар бакъа шарссанищал

магъар бивхъуссия. Га жагьил конкурсраву гуртту хъун къаучарчагу, мунайну му луттирая цанмасса барачат бивуна – утти му хлалалсса кулпат сакин буну ялапар хъанай ур. Укунсса масалраду ттуршвахъул бур, ва луттирая мяйжаннугу дуняллул ва ахиратрал барачат бивсса.

Цурда конкурс дурссия август зурул 21-нний. Микку гуртту хъуминнан къимат бищаву тйайласса бушиврул, хилларду дакъашиврул щак къабикланшиврул, жу оьвкуссия Цуссалакрал школалий дарс дихълахъисса Мугадов Мухаммад Ибрагимовичлул. Так ца муначла дуссия гуртту хъуминнал царду цирчусса сиях. Къимат бишлашиминнаннив къаклулссия цува щил чирчусса даву ххал дуллай уссарив, миннуй царду дакъассия, так номерду. Гунттимур кьини мажлисрай ххув хъуминнан бахшишру дуллалисса чумуйн бияннин щинчлав къаклулссия цума ххув хъуссарив, так ца Мухаммад Ибрагимовичлул бакъасса.

Му мажлисрайн увкуну Дагъусттаннал Муфтиятрал зузала, Рамазан-хажи Исаев. Ванал барча бунуна конкурсраву ххув хъумий ва циняв хурттушинна дурмий, цанчирча, динналул иширттаву ух хъума къаиклайнутгий.

Конкурсрайн бивкминнава 33 адамина, 22 хъамитайпа бия. Шанмагу хъхьичьунсса кланттугу хъаннил бунгуна. Цалчинмур приз лавсуна Цуссалакрал шяравусса Абдулкаримова Гульнарал, килчинмур клану бунгуна миччавасса Оьмарова Зубайрижатлул, шамулчинмур Гъамияцатусса – Хажиева Зайнабул.

Ча тий ура ва конкурс сававну жула районналий Ислам гъаз хъунав, гъарца мусульманнал къатлувун барачат бухханнав, тий. Аллагнал ﷺ барачат бишиннав ва лу чивчумуни ва ккалаккиминнай. Амин. Жвагу хладур хъананну 2-мур этапрайн.

ХАСАН-ХАЖИ МУХАММАДОВ

НОВОСТРОЙРАЛ ИМАМ

Лакрал район

Циняв Дагъусттаннал районнай бия баян буну щайх Ахмад-Хажид-Афандинал чивчусса луттираясса конкурс. Лакрал райондалийсса, динналул иширттаха зузисса имамтуралгу мукунсса конкурс бан пикри хъуну бия ца шамма-мукъва зурул хъхьичь. Аллагнал ﷺ кумаграйну имамтуралгу, шагърулия бивкисса лакрал жагьилтуралгу хларачатрайну чяруми лакрал районналийсса шархъавун биянсса иш



хъуна. Бунчин буллай ва цукунсса лурив, циван аьркинссарив цана жунма цинявнан укунсса луттираясса элму лахълан. Мукун занай 1000-вахъул луттирду бавххуну бия. Бучир учин 80% инсантурал ва лу лавсунни увкуну. Цавай инсантал бия жу чак къабару, зумарду къадугъару жун ссан аьркинссар му лу тиссагу. Аммарив бунчин буну махъ ва луттиравусса зару бункуну мукъах чявусса инсантал ххуйчулий

баххана хъусса, дин-чак дуллай байбивхъусса, минналгу гъабаннал пикри баххана хъуна. Миккува бивсуссия ва луттираву бумур лавхъуминнал дянйв дикланшиву конкурс, ва микку гурттушинна дуван бучишиву арантуннангу, хъаннингу, оьрчан ва душварангу, личишиву дакка мусульманчув унуту акъанугу. Конкурсрай гурттушинна данну тисса



инсантал хъхьичь бутгуй 80-лунния ливчусса хъуна. Амма га дуллайсса кьини бунчун бия 40 инсан. Вайми бия личиличисса ишру хъхьичьун багъну бучан къавхъунни тий, ку къашавай хъуну, куту миккун-ттикун гъан багъну га кьини шяраву бакъа. Утти килчин этаправу гуртту хъун Аллагнал ﷺ миннан кумаг баннав. Цурда конкурс дия Гумуксса Хъунмизитраву. Микку цалчин-

мур клану бунгунни Ахмаева Аминатлул, мунигу дулунни Айфон-6. Килчинмур клану бунгунни Майранова Райханатлул, муни бахшишран булунна холодильник. Шамулчинмур клантун лайкъ хъуна Кубиял шяраватусса Жамалуттинов Жабраил, мунагу пишкеш бунуна телевизор. Мукьулчинмур клантун лайкъ хъуна Хасанбагова Фатимат, мунигу дулуна пылесос. Яла хъиривми ацунничан бияннинсса клантурдан лайкъ хъуминнан дулуна арцуйнусса бахшишру – гъарцаннан кли-клиазарда кьурушру.

МУХАММАД-МАННАР БАРИЕВ

ГЪАЗИ-ГЪУМЧИЯЛ ИМАМ

Тарикъатрал вирд

Тарикъатрал къуллугъ байсар Шариаътраха, чюлу дайсар га, ялунгу щаллу дайссар. Чявуссанал цюххай вирд муцири куну? Вирд – щайхнал цала муридтурахъхъун шарда дуккин дулайсса давур. Ва лу канил бугъуминнай на щайхначан лавгун вирд ласияра тий, оьвтий бакъара. Циван? Ссахлуну? Вирд – талихI буминнал давури.

Зун та бавссар инсантурал тарихраву, дуняллийсса циняв цал архIал талихIрайн бивсса чIун диркIшиву? Мунийн буну, талихI лякьин ччиминнал, Аллагъу Тааьланал дуняллийгу ахиратравугу ххариву дуллуминнал дуккича. Алжаннул мйара зиву (уровень) дусса кунна, Дуржагъралгу, инсантурал ва щайтантрал дуцинтIисса арулла зиву дуссар. Цува ляхъан Увманн щаллуну икрам буллан ччисса гъарца мусульманчуннан чара бакъа цана хIакъсса устаз лякьин аьркинссар, ва ганачIату вирдгу ласун аьркинссар. Акъарив, инсаннаща тIачIав Аллагънаха къуллугъ булла-лавриву марцIшиврул даражалийн иян къахъунтIиссар. Амма, цаппара инсантал буссар щайх акъанагу жушавугу хъунссар гъарзад дуван, тIисса. Хъунмурчин му къатIайласса ишри. Мйажаннугу, миннаща хъунтIиссар ччиссаксса Аллагънал ца кIицI дуллан, салават рутлан, амма, хъунмурчин, мукун тIисса инсантурал я салават, я зикри къабуккайссар. Мий буклакманан таунугу устаз лякъайссар. Мунийн буну, хIакъсса ххуллу ккаккан бансса щайх цуксса чяни лявкъурив, муксса ххишаласса талихI бикIайссар дуняллий ва ахиратраву. Ххуйсса дуаьртту дуклан ивкIукун, Аллагъу Тааьла дакIнин утлан ивкIукун (ва ишираву хъами личIинува ххишаласса бикIай) га Аллагънаха къуллугъ буллалавриву шачIунтIайх лавай анаварну гъаз хъанахъиссар. Амма апатIран кунма, ганачал щайтангу лахъ хъанай буссар,

Иман дирхъусса инсан душманнан ккалли увну, га цила буллусса махъ бацIан буллау буссар, ссаячIав махъунмай къахъунтIиссар. Щайтаннул мурад – жува мий шачIантIая эьки личинни. Жува цуксса лахъну лавхъурув, мукссава гужну цIунгу хъунссар багъукун, му физикалул закон дур. Мунийн буну, щайтаннун жува бюхъайсса лахъну гъаз хъуну ччиссар. Бусалалийн буну, щайтаннул урцIаллий урчIра давриву кумаг байсса бур, ттуршулчин-муниву хъяврив аншиврул. Инсан кумаг банма архIал акъа, му жапасса эбадатрал ххуллийн уккарча, бюхъай хъунмасса апатIра хъун ириян. Му чIумал, мунал чIарав цучIав къалякьинссар, инсаннал душман – щайтанну ххасал ансса. Щайтан бакъассагу, инсаннал нафс муни-яргу нигъачIаву дусса ганал душманни. Нафс – дакIнил хъуншиву, пахру, цаяра ххуйсса цучIав акъасар тIутIавури. Тухва бурувгун, му хъаннича гъарзану дикIайхъунссар тIийра. Жува щайхначан бивкIсса чIумал, жула нафс гъаттараха лархъхъуссар. Гъарца жула балардал тах-сир цайминнай буссар тIиссар, цува яла ххуйма хъанахъиссар. Укунсса нафсирасал жува литIурча, кIу хъусса жула рухI малаиктурал ссавруннил къапурдачIан бюхъай гъаз къадувангу. Буруччиннав, га, бунагъчитурал рухIру дикIайнин дагъантIиссар. Жува ва дуняллийн бивкIсса чIумал, жула рухI чаннасса чирахъара лархъхъуссар. Оьрму наниссаксса, му чирахърайх лухIисса ттангъри дуллау, кIу дакълай дур. Агарда, га жула чурх кунма, ягу чапалсса янна марцI дайсса кунна чIун-чIумуй дакI марцI къадуларча, бивкIуллу малаик Азраил рухIирал хъирив увкIний, мунал га чапалну лякьинтIиссар. Мунийн буну, жула гъаттарал кунмасса нафс, Аллагънаха къуллугъ буллашиврул марцI бан аьркинссар. Ва ишираву учитель аьркинссар. Учитель акъа, щичачIав устар хъун, янна дурххайсса дарзи хъун, хIакъин хъун къашайссар. Аллагънаха къуллугъ буллан ччиманангу аьркинссар учитель. Мукунсса учительгу суфийтурал щайх хъанахъиссар. Цана

устаз лявкъума, хIакъсса талихI бумари. Гъарзад цила чIумал дурмур хъинссар: чак баву, шар шаву, оьрчI баву, тарикъатрал ххуллийх ачаву. Тарикъатрал мурад – мусульманчу Аллагъ цаява рязий ансса ххуллийх ачин хIарачат буллалавур. Илагъи анта макъсуду ва ризака матIлуби (Я Аллагъ, Инара ттул мурад, ва Вил рязившиврух луглагиссара). Вирдцири учирча – истигъфар дурккуну Аллагъанал хъхъичI тавба давури. Идавс г хъун уллай салават дуккавури. Аллагъ кIицI лаглай зикри бавури. КIюрххилгу хъхъувайгу вирд дуклай бюхъай гъан 15 минут. Ца шарссанил ттухъ цIувххуна: «Вища ттун вирд лахъхъин дан къахъунссарив? Ттун щайхначан гъан нач хъанай дур. Ттун ххюцIалла шин хъуну дурхха. Цананин чув диркIра учинссархха». Мукун тIутIаву къатIайлассар. Цалчин, вирд хIакъсса щайхнаща дакъа, щича дунугу ласун къабучIиссар. Аллагънал цIими ва хъиншиву мунивури дусса. КIилчин, щайхнал жува оьккину пикри банссар учин къабучIиссар. Жува цIими Аллагънахъру чIа тIисса. КIанайнну тавакан дурну бусса. Бусала бур: ца инсан жазираллий (остров) оьрмулухун цувалу ялапар хъанай ивкIун ур. Га оьрмулул ххюттуршра шин хъуннин Аллагънаха эбадат дуллау ивкIун ур. ИвкIуну махъ, Аллагънал ганахъ цIувххуну бур: «Вин ччан бикIарча, на ина Тула цIимийну Алжаннун тIайла укканна, ягу Ттула ххуллий бивсса захIматрайхчин тIайла уккаван?» Га инсаннал жаваб дуллу-ну дур: «На ххюттуршра шинай Вин эбадат дуллау ивкIра, ттун ччива ттула захIматрайхчин гъан» куну. «Хъинни» куну бур ганахъ Аллагъу Тааьланал. «Ачу ина ци захIмат буну бурив ххал баннуча. Щил бултурвин ххюттуршра шинал лахъшивирийсса оьрму?» «Ина буллуни, ттул Заллуй». «Щил ляхъан буври, ва лахъисса мутталий ина ахъулсанул уччин уллай ивкIсса мурхъ?» «Ина бунни, ттул Заллуй». «Щил хъун буври вил чIарав ина мякъ леххан бан ва иссаву дан дух къалагайсса щинал щаращи?» «Ина бунни, ттул Заллуй». «Вакса хIаллай вил бакIвагу цIун къабивкIссархха, ина азарда

щил урувччура?» Га инсаннал, бакIгу хъхъичIун руртун, лагъну куну бур: «Ина урувччуна, ттул Заллуй. На багъишла ити, Вила цIимийну тIайла укки Алжаннун». Ци оьрмулул ухъурчагу, инсан, хъхъичIава бивмуний пашман хъурча, ва хIакъсса ххуллийн зана икIарча, му хъунмасса Аллагъанал цIимири. Чявуссанал, жу ттигу чак буллалаврийн, зума дугъаврийн, хIаж баврийн, устазначан гъаврийн, вирд ласаврийн хIадурну бакъару, учай. Зува буругияра, циксса инсантал литIлай бур гъарца къини жула аьрщарай. Гай оьрмулул 20, 30, 40, 50 шинаву бивкIу къамул бан хIадурну бивкIссарив? Гайннан ттуршра шин диркIхъурчагу, гайннал Давуд Идавсил и кунма учинссия «На Азраил-малаик учIаврин хIадурну акъара». Щайтаннун цуканчIав чай бакъар цила ххяптуртивун иривсса инсан ита акъин. Жува ганища ххассал бан так ца щайхнащари бюхъайсса. Вирд давриву яла агъаммур – къакъаритлай гъарца мудар давури. МухIаммад Идавс г Цала шарссанихъ – Аьйшахъ т тIий ивкIун ур: «Яла Аллагъан ххирамур эбадат чIирисса духъурчагу гъарца мудар дулламурди». ИдавсичIан г гъанминнал Аллагънахасса эбадат мукун дайсса диркIун дур. ОьрчI тарбия уллалавриву хъунмур кIану нитилли бугъайсса. ОьрчI чIивину унува суфийтал ххира буллау хъун арча, щайхначан учирча, вирд дуклай, истигъфар дуклай, салават, зикри буллау аьдат уварча, хъуна хъувкун га тIайласса ххуллия къааччинтIиссар. Ттул оьрчIан чак бан ххюра шинаву лавхъхъуссар. КIюрххичIунай ттушал архIал зума дугъан изайссия. Ахттайннин зума дугъайссия. Яла цува щаллуну зума дугъан ивкIуна. Тарикъатрал инсаннал оьрмулуву хъуннасса агъамшиву духъукун, цинявннан хъина «Барачатсса элмулурдал ххазина» тIисса лу буккирча. Га Шазалий ва Накъшубандий тарикъатрал щайх, Чиркейлиясса Саид-Афандал (ца-яту Аллагъ рязий шивуй) чивчуссар.

ПАТИМАТ ХИМЗАТОВА

НАСИХАТ

Адаб дуруччаврил хъиншивурду

1 « Цуксса Чявуну жува бурув пикри буллау жула лагма хъанахъисса иширттая, аьламатирдая, муксса чIалачи хъанай бур Заннал лахъшивугу, хIайраншивугу, цIими бушивугу. Ци аьламатрур дусса жула лагма куну цIуххирча, хъуннаща щайх, аьлимчу, шагъид Саид-Афандал кулсар: «Ттун чIарусса караматру къаккаккарча-гума, яла хъунмур караматну нава чIалай ура: гъалгъа тIисса, пикри буллалисса, дукра канакисса ва мукунма чIавусса цаймигу ишру хъанахъисса инсанну нава Аллагънал ляхъан увшиву».

Мйажаннугу, пикри буварча, инсаннир хъуннасса караматгу, аьламатгу ва щала дуняллийгу, ссавруннайгу дакъахъунссар. Цанасса медициналул элмурдал чIалачIи буллау бур инсаннал дакIниву,

бакIраву, чурххаву хъанахъисса махIатталсса зару. Инсаннал дур ва дуняллийсса циняв жанаварду, лелуххант, балугъру цайнна мютIив дурну. Дакъасса журулул техника дакъар, космосравун лехлай ур, хъхъирдал куртIшиврийн ухлай ур, цимику километIардал куртIну аьрщарава навтру, газру цаймигу личIи-личIисса аьркинсса зару дуклай ур. Аммарив я ва дуняллийн уккаву, мукунма ахиратрайн лагаву инсаннаща къашай лахъи-кутIа дуван, ттун укун чай бакъар, ягу тукун чай бур куну, хъхъичIун-махъун бутан. Къуръаннул сурардаву тIий бур: зу пикри буллалли Аллагънал цукун ляхъан дурну дурив ва щала дуняллийгу, ссавругу, жулла лагмасса тIабиатту, цуксса тамну, гъарца чулуха щаллуну, тIайлану зузи дурну дурив цимур-

ца. Масала Куръаннул аятирттаву тIий бур: «Ина уча миннахъ (Я МухIаммад!): «Зу бургияра, пикри бувара ссавруннайсса ва аьрщарайсса зарунная», – куну.

Ялагу Аллагъначансса адаб дуруччаврия хъанай бур Заннайн ибадат дуллаву, Мунайн мютIив шаву, ва Аллагънал цуккан бивсса ххуллийх ачаву. Къуръаннайлий тIий бур (мяъна): «На ляхъан бав джиннугу инсанталгу так Ттуйнма ибадат дулланшиврул». Ляхъангу Аллагънал цуккан буну, аьркинмургу Заннал буллау, Га жуна мударгу аьркин хъанай усса чIумал, инсаннан аьркинссар чара бакъа Алагънайн цуккан ибадат буллау, ччайнугу къаччайнугу. Ибадат му хъанахъиссар инсаннал оьрмулул гъану. Мукун ибадат буллалисса халкъгу хъанахъиссар яла хъинмийну. Агарда ухъурча цу унугу Аллагъ-

найн цуккан ибадат къадуллалисса цала пахрурдайну, къудуршиврийну, ччарча му инсан паччахI ухъурчагу, мугу хъанахъиссар яла лагъсса Аллагънал лагъну. Цала къудуршиврийну Аллагънайн цуккан ибадат къадуллалисса инсан, му я арцу-мусийн, я тIабитрайн, ягу хъаннийн, ягу цала лякълуйн, ягу щайтаннуйн ибадат буллау лякъайссар. Мукунса инсантурая Аллагъ тIий ур: «Ми къудуршиву буллалими, ва мунийну Ттуйн ибадат къадуллалими къюкьингу буну, дужагъравун бичинна». Аллагънал буруччиннав мукунса балараща жувагу жула мачча-гъанмийгу циннявпа инсанталгу. Амин!

КЪУРАМУХИММАД-ХИЖЖА

РАМАЗАНОВЛУЛ ЛУТТИРАВА

Неъматсса хІачІия

НакІ – Аллағнал ﷺ жунма буллусса неъматирттал ханни. Муниа бусла-сисса чІявусса аятру, хІадисру буссар, алжаннул агьулданул хІачІияри куну бур. Кьуръанналуву бувсун бур алжан-наву дукІантІишиву накІлил нехру: «НакІлил нехру, тІин баххана къа-шайсса (кьурчІи къашайсса)...» (сура «МухІаммад», 15 аят). Цамур аятраву увкуну бур: «На зу хІачІан бував марцІсса ва тІааьнсса накІ» (сура «ан-Нагьл, аят 66).

ХІадисраву бувсун бур Идав-сил ﷺ дукра дуркуну махъ укунс-са дуаь дайсса диркІашиву: «Я Ал-лағ, ина жун ва ризкьилий барачат биша, жун ванияр ххуймургу дула». НакІ хІачІайхту Идавсил ﷺ учайсса бивкІссар: «Я Аллағ, Ина жун ва-

нийну барачат биян ба, бумургу жун хьиннува гьарза бува, ттун ванияр неъматсса дуки-хачІиягу къакІулли» (Бухари, Муслим).

– Яла ххуймур – дахьра ттирзумур накІри;

– Ххуйсса накІлия тІааьнсса къанкъ дикІайссар, хІайван ци авлаь-храй, ци канай бухьурчагу;

– Жағьилсса хІайванналул накІ хьинссар хьунмав хьумунилссанну-яр;

– НицІашал накІ хІачІарча, гайн-нул лякьлул, цІумул цІуцІаву хьин дайссар;

– Качар хІала бувсса накІ лажин-нарайх дуккарча, лажиннарал ранг чанна, кІяла шайссар;

– Гьуртурдал къашавайминнан къяцІул накІ хьинссар;

– НакІ хІарчІун махъ къацІ ши-най вилавгун хьинссар, ккарччай ва синттай къадитаву къахьинссар;

– Хьиннура чІярусса накІ



хІачІарча, яруннан, цІумулун, чча-руллан зарал биян бан бюхьайссар. Му зарал яла гьан байссар накІливух ницІ ягу занжабил хІала бувну

хІачІарча.

– Яттил накІливу къяцІул мунивунияр агьгушиву чІяруссар, мунияту мунивух щин хІала дурну хьинссар. Жула Идавс ﷺ Анас бин Маликлул къатлуву усса чІумал яттил накІ хІарчІссар щаращул щингу хІала дурну.

Цинявнуяр мюнпат бумур – оьлил накІри. Идавсил ﷺ увкуссар: «Зу оьлил накІ хІачІачІияра, ганиву жура-журасса дарурду буссар» – куну. Дахьра ттирзусса накІ ницІашал хІачІарча, чурххал къуват, гуж гьарза байссар.

ИСА ОЪМАРОВ

ДИННАЛУЛ ЖАВГЪАР

Аькьилсса бусаларду

Муаьз ибн Джабал

Муаьз ибн Джабал Маккалия Ма-диналин увкІсса чІумал мунал сакин дурну дур шагьрулийсса мушриктурал къанчру (идол) ппив дулансса жағьилтурал ккураан. Ми жағьилтал бувххун Мадиалийсса мушриктурал къатравун къюлтІну бикІу, зағьирну бикІу гивусса къанчру ппив-ххив ду-вайсса диркІун дур.

Мадиалий ивкІун ур Амр ибн Джамуғ тІисса адамина. Му ивкІун ур Бану Салама тІисса тайпалул бакІчитуравасса ца. Амрдул диркІун дур цала карунних ххирасса мурхьирал тІаннуа дурсса къанч, гьарца къи-ни мунал му къанчлиха къуллугъ бу-вайсса бивкІун дур.

Ца хьхьуну Муаьз хІаласса жағьил-тал Амрдул къатлувун бувххун, мунал къанч ларсун цІинцІ дичайсса къакь-лувун дуртун дур. КІюрххил ивзсса Амрдун къаляркьуну дур цала къанч, гьарца кІанттай луглан ивкІун ур. Лявкьукун, ганал га шовшуну, аьтри-лул къанкьгу дурну, махьуннай цила кІанай дирхьуну дур.

Хьиривмур хьхьунугу жағьилтурал гукуннасса тІул дурну дур. КІюрххил Амрдул цала къанч цІунилгнугу шов-шуну цила кІанай дирхьуну дур, га даву дурминнайну оьсса мукьуртгий дяғвай. Къанчлихгу урувгун ганал ув-куну бур: «... Ина хІакьсса зал ухьурча, вила инава уручча». Вай махьругу ув-куну, къанчлил хьувун тур дуртун дур.

Амма га хьхьунугу Муаьзлуа ва га-нал гьалмахтурая къанчлища ххассал хьун бювхьуну бакьар. Гайннал га къанч бивкІусса ккаччил дарвачрахун бавхІуну, цІинцІ дичай къакьлувун дуртун дур.

КІюрххилцунмай цала къанчлин хьумур ккавксса Амрдул увкуну бур: «Вай мьяжаннугу зал ивкІссания, бивкІусса ккаччищал цІинцІ дичайсса къувилуву къаикІантІиссия...»

Му иш хьуну махъ Амр ибн Джа-мутьлул Ислам къамул дурну дур.

Щайхнаясса мюнпат

Ва иш хьуссар машгьурсса аьлим-чу ва зағьид Хатам аль-Асам ва ганал усттаз Шакьикъ аль-Балхисал. Ца

чІумал Шакьикьлул цала муриднахъ цІувххуссар: «Ина ттул муридну цук-ссса хІалли?» – куну. Хатамлул: «Зувил-лий шанна шин» – куну жаваб дуллус-сар Хатамлул. «Туну ина муксса хІаллай ттущал ушиврия цукунсса мюнпат ла-сав?». Хатамлул куусар: «Тгуца мьяйва журалул мюнпат ласун бювхьунни». Устаз махІаттал хьуну: «Ваксса хІаллай мьяйва бакьа ласун къавхьурив?» – ку-сар. «Я ттул устаз, на мунияр ххиша-ла ласун хІарачат буллая акьассияв, Ахиратараву ххассал хьуншиврул мий биял хьуншиву чІалай бия» – увкуссар Хатамлул. «Цумийри мий мьяйва мюн-пат?» – цІувххуссар щайхнал. Хатам буслай айивхьуссар:



1. Ттун хІисав хьунни гьарцаннал ва дуняллий дус ягу ххирасса ин-сан ушиву. Гайннал дусшиву дикІай бивкІу бучІаннин, яла дусшиву кьур-тал шай. Мунияту, на пикри бав ва ду-нияллийгу, гьаттаву, Ахиратлувугу ттущалва бикІансса дустал бувчІин. Мунияту на тулва дусталну хьинсса аьмаллу бувчІав, МухІаммад Идавсил ﷺ увкунутІий: «Гьаттаву вил дусталну вил аьмаллури бикІантІиссия», – куну.

2. Ттун чІалай бия инсантал цалва нафсрал ва гьавасиртал тІимунил хьирив най бушиву. На айивхьу-ра аьркин дакъасса, Аллағ ﷻ рязи акьасса тІуллая арх хьанай, ттул-

ва нафсралшал талай. Му талатаву-гу кьуртал кьархьунни нафс ттуйн мютІий къавхьуссаксса.

3. Ттун хІисав хьунни агьали Ал-лағнал ﷺ хьхьичІ цукунчІавсса къи-мат-бағьа бакьасса дуняллул неъматирттал хьирив бағьну бушиву. Ми неъматру бирияра, гай хьинни ххари шайва. Яла на пикри бував Ал-лағнал ﷺ мукьурттил ялув: «ЗучІа ду-мур духлагантІиссар, АллағьначІа ﷻ думурди абадлий личІантІиссия» (сура «ан-Нагьл», аят 96). Мунияту ттуцІара думур мискинтурайх дачІав, ми Кьия-масса къини ттунна лякьиншиврул.

4. На лағмавацца халкьуннах урув-гра. Ттун хІисав хьунни инсаннал

барчагу, мунияр ххишала ласун къа-шайсса. Му бувчІайхтту ттувату дакІ мяшшиву, хІусудшиву дурккуна.

6. Ттун хІисав хьунни инсантал щяйтІаннул баякьин буллая бушиву. На Аллағнал ﷻ махьру дакІнийну уссияв: «ХІакьну щяйтІан зул душ-манни, му душманну бивтун, Аллағ-найн ﷻ мютІи хьияра, щяйтІаннуйн мютІи къавхьуну» (сура «аль-ФатІир», аят 6). Ттун бувчІуна щичІалчІав талан къабучІишиву, так ца щяйтІаннушал ва ганил чул бувгьуминнащал бакьас-са. Мунияр махъ щяйтІан ттул душман хьуна, налив Аллағьнайн ﷻ мютІив хьура. Ттун бувчІунни хІакьмур Аллағ-нал ﷻ мукьурттиву бушиву: «Я Адамлул ﷻ оьрчІрув, На Ттулва идавтурайхчІин зуйн амру бував щяйтІаннуйн мютІи къахьун. Мунияту Ттуйн эбадат дул-лали, му тІайласса ххуллу бунутІий». (сура «Ясин», аят 60-61).

7. На ва дуняллух урувгукун, ттун ккавккунни цавай инсантал, цанна дуканмур лякьиншиврул бус-са гуж ишла буллалисса, мунияту цалва цивпа къюкьингу буллалис-са. ЧІярусса лякьин хІарачат буллая гайннал хІалал-хІарам личІи къадай-ва. Ттун Кьуръанналул аят дакІнин ба-гьунни: «Аллағнал ﷻ ва дуняллийс-са гьарзад ядувайссар, хьус-ризкьи булайссар» (сура «аль-Гьуд», аят 6).

8. Нава инсантурах урувгукун, ттун ккавккунни цавай цачІарасса хьуслин чул бишлай бушиву, цайми цалла санятрайн, шамулчинми цивпа кунмасса инсантурайн. Микку на Аллағнал ﷻ мукьурттия пикри бав: «Аллағьная ﷻ нигьа увсманан Зан-нал ﷻ гьарзад дулайссар, цанмавагу къакІулсса чулуха». (сура «ат-Талакь», аят 2-3). Мунияту на ттула иширттаву Аллағу Тааьланайн таваккул бува.

Микку Шакьикъ аль-Балхисал ув-куну бур: «Аллағнал ﷻ вин кумаг баннав, я Хатам, ина ххуйсса хІукму бувну бур! На бувккуссар Инжилъ, Тав-рат, Забур ва Кьуръан, гай цинявннул гьану ина бувсмуний бавцІуну бия!».

ИМАМ АЛЬ-ГЪАЗАЛИНАЛ

«ИХІЯЬ ОЪЛУМ-АД-ДИН»



Хатталлив дукра дукан бучИссарив?

Хатталлив увКиманан аьркинссар пикри буллан микку бувчуминнал тагьардания. Цувагу миккуна гьатИшиву хьама битан къабучИссар. Мукуна, хIарачат бубан аьркинссар микку бувчуссамусульмансса арамтурал ва хьаннил рухIирдаха дуаь дуван.

Хатталлив дукарду дукаву къахьинссар, амма дукан ба-

гьарча, муниву бунагь бакъассар.

МухIаммад аль-Гьадими тIисса аьлимчувнал увкуну бур: «Базаллувусса халкъуннал хьхьичI, къатIув, хIатталлив дукра дукаву къахьинссар. Мукуна, къахьинссар хIатталлив хьхьаву, цанчирча, му бунутIий ахират дакIнийн дутайсса кIану...».



Дялахьрулун балугь бугьлан бучИссарив?

Аьлимтурал тIимунин буну, аьркиншиву дакъанура балугь бугьаву къахьинссар. ХIадисраву увкуну бур: «ТуркIулун, дялахьрулун лелуххи бивкIума кIулну

икIуча, Къиямсса къини мунил учинтIиву: «Я Рабби, ва инсаннал на бивкIуссара дялахьру дулай, ттуя хайр ласун ччай акъанува».



Гьаттал аьзаврая ссал ххассал бувайссар?

«ФатхIул-аьллам» тIисса луттираву чивчуну бур: «Гьаттал аьзаврая ххассал хьун ччиманал мукьва зад биттур бубан ва мукьва задрая мурахасну икIан аьркинссар. Биттур бубан аьркинмур: гьарца чак цила чIумал баврил ялув ацIан, чIявуну садакъа буллан, Къуръан буккаван, чIявуну тасбихI буллан. Вай

мукьва аьмалланул гьав гьартагу дурну, чанна лахьан дайссар.

Мурахасну икIан аьркинмур: щялмагь бусаву, халкъ хьаврин баву, гьибат баву ва кIущалланул кIунтIру. Гьаттаву яла гужмур аьзав дикIайссар тIар янналийн багьлагьисса кIущаланул кIутIардих къулагьас къадулларча».



Буллусса махь бацIан къабувайманая жула динналуву ци увкуну бурссар?

МухIаммад Идавсил ؓ хIадисраву бусун бур Къиямасса Къини гьан шаврил лишан душиву чул бищун бучИсса, махь бугьайсса инсантал чан шаву. Исламрал цукунчIав ихтияр дулай дакъар буллусса махь бацIан къабубан ягу аманат бубманал чулинмай хиянатшиву дуван. Къуръанналуву увкуну бур: «Зува буллусса махь бацIан бубара, буллусса мукьхулугу цIуххаву дувантIиссар».

Аьбдуллагь ибн Аьмрдул бусун бур: «МухIаммад Идавсил ؓ увкуну: «ХIакъсса мунафикъ хьанхьиссар мукьра лишан дума: бувсса аманатрайн хиянатшиву дувайма, буллусса махь бацIан къабувайма, бусласисса чIумал щялмагьру хIала бувайма ва чапалсса маз бума».

Укунсса мяъна дусса хIадисру хьинну чIявусса буссар, амма аклу буманан шикку чивчумургу гьа хьун аьркинссар.



На ура ттуярва оьрмулуд хьунмасса хьамитайпа щарну буцин ччай. Дуссарив муниву цукунчIавсса оькишиву?

Оьрмулуд хьунмасса щарсса дуцавриву цичIав оьккисса бакъассар, багьайсса куццуй магьаргу бивхьуну дуцирча.

Дагестанский исламский университет и медресе имени шейха Мухаммад-Арифа объявляют прием абитуриентов на очередной учебный год.

Обучение предназначено для получения целостных знаний о религии и подготовки специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

Продолжительность обучения:

в Дагестанском исламском университете – 5 лет;

в медресе – 3 года.

Принимаются юноши и девушки, имеющие среднее полное общее образование.

Прием документов – с 1 июня.

Перечень документов, необходимых для поступления:

- нотариально заверенная копия документа об образовании;
- копия паспорта;
- фотокарточки размером 3/4 – 5 штук;
- медицинская справка Ф 086;
- прививочный сертификат Ф 156/у-93;
- рекомендация от преподавателя религиозного обучения либо от руководителя мечети (имама), расположенной по месту жительства абитуриента.

Приём документов – ежедневно, кроме пятницы, с 9:00 до 17:00, перерыв – с 12:00 до 13:00.

Адрес: г. Махачкала, ул. Дахадаева, д. 136.

Тел.: +7 988 294 56 16.



Иманналийсса бивкIу хьуншиврул ци бан аьркинссар?

Инсаннал оьрмулуд яла хьинмур ахир – имандалува, мусульманну ва дуниялия лагаву. Хьунисса аьлимтурал луттирдаву инсаннал рухI имандалий лавсаврил жура-журасса сававру бусун бур.

СиратIрал ламуйх лахьан хьуншиврул, Идавсил ؓ шафаагь бияншиврул, Идавсил ؓ гьалмахчуну икIаншиврул, ганал хIавзрая хIачIан хьуншиврул, ахиратлул шагид хьуншиврул, Къиямасса къини Аьрширал ххютулу икIаншиврул, Къиямасса къинилул захIматшивуртту бигьа хьуншиврул ва цимурцагу ахиратлул хьуншивруртту дияврил савав хьанхьиссар инсан мусульманнну ва дуниялия лагаву. КIай кIицI ларгсса хьуншивуртту ахиратлуву инсаннайн дияврил шартIну хьанхьиссар имандалийсса бивкIу. ХIадисраву бувьсса куццуй, гай хьуншивуртту дияншиврул байсса аьмаллу бувсса мусульманчув имандалий ивчIантIиссар увкуну бур. Му тастикъ буну бур имам Нававинал ва цаппара цаймигу аьлимтурал.

Имандалий рухI ласаврил сававру хьанхьиссар:

- Чаклин иссайсса чIумал дуккайсса дуартту дуккаву;
- КьютIну садакьартту баву;
- МухIаммад Идавсил ؓ гьаттайн зиярат баву ва ганахь василат чIа учаву;
- Ятинтураха аякъа даву;
- АцIния кIира шинай акбар тIий будунну зузаву;
- Мизитрава чапалшиву дуккан даву;
- Дяркъу дусса чIумал камилну чаклин иссаву;
- Масжидул-Акъсалив айивхьуну хIаж ягу оьмра баву;
- Чивисса оьрчI ивчIарча, Аллагьнайн ؓ хIамдгу буну тар-

жив баву («Инна лиЛлагь ва инна илайгь и ражиоьн» увкуну);

– ИвкIусса чIумал ганал ялув мукъцIала инсаннал шанма ща буну жаназалул чак баву;

– КIюрххил чаклил хьирив, чак бувсса кIанайва щиявкIун баргь гьаз хьуннин Аллагь ؓ кIицI лаглай даим хьанхьаву.

– Сура «Бакъаратрал» ахирданийса аятру дурккуну, гай дурккусса къини ивчIарча;

– Чакливу суждалий «Я мукьаллибаль-къулюб саббит къалби аьля диника» куска дуаь чIяруну даву;

«Бугьятул-мустаршидин» тIисса луттираву чивчуну бур гьарца маркIачIан чаклил хьирив мукьилла истигьфар даву – ахир хайрданийсса хьун даврил сававну хьанхьиву: «Астагьфиру-Ллагь-лялизи ля илягьа илягьа гьуваль хIаййаль къаййума-лялизи ля ямуну ва агубу иляйгь и раббIу-гьфирли» – увкуну. Ялагу увкуну бур, маркIачIан чаклил хьирив цамур гьалгьа баннин ва салават дуккайманал рухI имандалий ласайшиву: «Аллагьумма салли аьля саййидина МухIаммадин ва аьля алигьти ва сахIбигьти биъадади кулли хIарфин жара би-гьиль къалиям».

Вай бакъассагу, гьарца чаклил хьирив «альхIам», «алифлам», «аятул курсий», «амана ррасулу», «къулгу», «фалакъ», «нас» сураду буккавугу иманалийсса бивкIу бияврил сававруну хьанхьиссар.

Рузнама

Октябрь

| Къини | КIюрххил чак | Баргь букваву | Ахттайн чак | Ахттакьун чак | МаркIачIан чак | ХьатIан чак |
|-------|--------------|---------------|-------------|---------------|----------------|-------------|
| 1 | 04:08 | 05:43 | 11:40 | 14:57 | 17:32 | 19:02 |
| 2 | 04:10 | 05:44 | 11:39 | 14:56 | 17:30 | 19:00 |
| 4 | 04:12 | 05:46 | 11:39 | 14:53 | 17:27 | 18:57 |
| 6 | 04:14 | 05:48 | 11:38 | 14:51 | 17:23 | 18:53 |
| 8 | 04:17 | 05:51 | 11:38 | 14:48 | 17:20 | 18:50 |
| 10 | 04:19 | 05:53 | 11:37 | 14:46 | 17:17 | 18:47 |
| 12 | 04:21 | 05:55 | 11:37 | 14:43 | 17:13 | 18:43 |
| 14 | 04:23 | 05:57 | 11:36 | 14:41 | 17:10 | 18:40 |
| 16 | 04:26 | 06:00 | 11:36 | 14:38 | 17:07 | 18:37 |
| 18 | 04:28 | 06:02 | 11:35 | 14:36 | 17:04 | 18:34 |
| 20 | 04:30 | 06:05 | 11:35 | 14:33 | 17:01 | 18:31 |
| 22 | 04:32 | 06:07 | 11:34 | 14:31 | 16:58 | 18:28 |
| 24 | 04:35 | 06:09 | 11:34 | 14:29 | 16:55 | 18:25 |
| 26 | 04:37 | 06:12 | 11:34 | 14:26 | 16:52 | 18:22 |
| 28 | 04:39 | 06:14 | 11:34 | 14:24 | 16:49 | 18:19 |
| 30 | 04:41 | 06:17 | 11:34 | 14:22 | 16:46 | 18:16 |

Рекомендовано каноническим отделом Муфтията РД для г. Махачкалы

ХХИРАССА БУККУЛТИ
НАЙ ДУССАР 2016-КУ ШИНАЙНССА»АС-САЛАМ»
ККАЗИТРАЛ ПОДПИСКА.
ККАЗИТ ЧИЧИН ХЬУНТИССАР ЧЧИМУР ПОЧТАЛИЙ
ВА МУКУНМА ГЬАРЦА РАЙОННАЙССА ЖУЛ ВАКИЛТУРАЙХЧИИН.
ККАЗИТ ЧИЧАВРИЛ ВА БИАН БАВРИЛ ХИАКЪИРАВУ
ОЬВЧИН БЮХЪАНТИССАР ВА НОМЕРДАНИЙН:
8-988-264-56-58